

唐翰林李白詩類編卷之八

五言古詩

閨情

寄遠九首

三鳥別王母，銜書來見過。腸斷石前絃，其如愁思何。遙

知玉牕裏，織思庶切細也。手弄雲和琴，曲有深意。青松交女

蘿，寫水山井中。同泉豈殊波，秦心與楚恨。皎皎為誰多。

青樓何所在，乃在碧雲中。寶鏡在秋水，羅衣輕春風。新

粧坐落日，悵望金屏空。念此送短書，願因雙飛鴻。

本作一行書，殷勤道相憶。一行復一行，滿紙情何極。瑤



臺有黃鶴為報青樓人。朱顏凋落盡白髮。一何新自知。
未應還離居。經三春桃李。今若為當。總發光彩。若使香
風飄留與紅芳待。

玉筋落春鏡。坐愁湖陽水。聞與陰麗華。風烟接鄰里。青
春已復過。白日忽相催。但恐荷花晚。令人意已摧。相思
不惜夢。日夜向陽臺。

遠憶巫山陽。花明渌水暖。躊躇上音躊。下音徐。未得往。

淚向心雲滿。春風復無情。吹我夢魂斷。不見眼中人。天

長音信短。

陽臺隔楚水。春草生黃河。相思無日夜。浩蕩若流波。流

波向海去。欲見終無因。遙將一點淚。遠寄如花人。

妾在春陵東。君居漢江島。一日望花光。往來成白道。一作

日日採靡蕪。上山成白道。一為雲雨別。此地生秋草。秋草秋蛾飛。相

思愁落輝。何由一相見。滅燭解羅衣。一本輝下添音時

端遙知不得意。玉筋燕羅衣。

長短春草綠。綠階如有情。卷施心獨苦。抽却死還生。觀

物知妾意。希君種後庭。閑時當採掇。都活切。念此莫相

輕

魯縞如玉霜。筆題月氏音支。月氏。西域國名。書。寄書白鸚鵡。西海

惻離居。行數雖不多。字字有委曲。天末如見之。開絨淚

相續淚盡恨轉深。千里同此心。相思千萬里。一書直百金。

代贈遠

妾本洛陽人。狂夫幽燕客。渴飲易水波。猶來多感激。胡馬西北馳。香駿搖綠絲。鳴鞭從此去。逐虜蕩邊陲。昔去有好言。不言久離別。燕支多美女。走馬輕風雪。見此不記人。恩情雲雨絕。啼流玉筋盡。坐恨金閨切。織錦作短書。腸隨回紋結。相思欲有寄。恐君不見察。焚之揚其灰。手跡自此滅。

閨情

流水去絕國。浮雲辭故關。水或戀前浦。雲猶歸舊山。恨君流沙去。棄妾漁陽間。玉筋夜垂流。双双落朱顏。黃鳥坐相悲。綠楊誰更攀。織錦心草草。挑燈淚斑斑。窺鏡不自識。况乃狂夫還。

代別情人

清水本不動。桃花發岸傍。桃花弄水色。波蕩搖春光。我悅子容艷。子傾我文章。風吹綠琴去。曲度紫鴛鴦。昔作一水魚。今成兩枝鳥。哀哀長雞鳴。夜夜達五曉。起折相思樹。歸贈知寸心。覆水不可收。行雲難重尋。天涯有度鳥。莫絕瑤華音。

代秋情

幾日相別離。門前生猶生力與切自。葵寒蟬聒梧桐。日夕
長鳴悲。白露濕螢火。清霜零兔絲。空掩紫羅袂。一作空
袂長啼無盡時。

湖邊採蓮婦

小姑織白紵。未解將人語。大嫂採芙蓉。溪湖千萬重。長
兄行不在。莫使外人逢。願學秋胡婦。貞心比古松。

學古思邊

銜悲上隴首。腸斷不見君。流水若有情。幽哀從此分。蒼
茫愁邊色。惆悵落日曛。山外接遠天。天際復有雲。白鴈

從中來。飛鳴苦難聞。只繫一書札。寄言難離群。離群心
斷絕。十見花成雪。胡地無春輝。征人行不歸。相思杳如
夢。珠淚濕羅衣。

折荷有贈與前擬古詩內第十一首數字不同

涉江翫秋水。愛此紅葦鮮。攀荷弄其珠。蕩漾不成圓。佳
人綵雲裏。欲贈隔遠天。相思無因見。悵望涼風前。

代美人愁鏡

明明金鵲鏡。了了玉臺前。拂拭皎冰月光輝。何清圓。紅
顏老。昨日白髮多。去年鉛粉坐相誤。照來空淒然。

長信宮

月皎昭陽殿。霜清長信宮。天行乘玉輦。飛鷺與君同。更有歡娛處。承恩樂未窮。誰憐團扇妾。獨坐怨秋風。

秋浦寄內

我今尋陽去。辭家千里餘。結荷倦水宿。却寄大雷書。雖不同辛苦。愴離各自居。我自入秋浦。三年北信疎。紅顏愁落日。白髮不能除。有客自梁苑。手携五色魚。開魚得錦字。歸問我何如。江山雖道阻。意合不為殊。

自代內贈

寶刀裁流水。無有斷絕時。妾意逐君行。纏綿亦如之。別來門前草。秋巷春轉碧。石掃盡還生。萋萋滿行跡。鳴鳳

始何得。雄鷲雌各飛。遊雲落何山。一往不見歸。估客發大樓。知君在秋浦。梁苑空錦衾。陽臺夢行雨。妾家三作相。失勢去西秦。猶有舊歌管。淒清聞四鄰。曲度入紫雲。啼無眼中人。妾似井底桃。開花向誰笑。君如天上月。不肯一回照。窺鏡不自識。別多憔悴深。安得秦吉了。為人道寸心。

秋浦感主人歸燕寄內

霜朽楚閨木。始知殺氣嚴。寥寥金天廓。婉婉綠紅潛。胡鷺別主人。双双語前簷。三飛四迴顧。欲去復相瞻。豈不戀華屋。終然謝珠簾。我不及此鳥。遠行歲已淹。寄書道

中歎淚下不能絨

送內尋廬山女道士李騰空二首

君尋騰空子，應到碧山家。水春雲母碓，音對春具也風掃石

楠花若戀幽居好，相逐弄紫霞。

多君相門女，學道愛神仙。素手掬青靄，羅衣曳紫烟。一

往屏風疊，乘鸞著玉鞭。

在潯陽非所寄內

聞難知慟哭，行啼入府中。多君同蔡琰，以舟切蔡是女流淚請

曹公。知登吳章嶺，昔與死無分。崎嶇行石道，外折入青

雲。相見若悲歎，哀聲那得聞。

哀傷

自溧水道哭王炎

白楊双行行，白馬悲路旁。旦與見曉月，更似發雲陽。溧

水通吳閩，逝川去未央。故人萬化盡，閉骨茅山崗。天上

墜玉棺，泉中掩龍章。名飛日月上，義與風雲翔。逸氣竟

莫展，英圖俄夭傷。楚國一老人，來嗟龔勝亡。有言不可

道，雪泣惜蘭芳。

七言古詩

樂府

烏夜啼

黃雲城邊烏欲棲。歸飛啞啞枝上啼。機中織錦秦川女。
碧紗如煙隔窻語。停梭悵然憶遠人。獨宿孤房淚如雨。
一作停梭向人問故夫如在關西淚如雨

烏棲曲

姑蘇臺上烏棲時。吳王宮裏醉西施。吳歌楚舞歡未畢。
青山欲銜半邊日。銀箭金壺漏水多。起看秋月墜江波。
東方漸高柰樂何。

採蓮曲

若耶溪傍採蓮女。笑隔荷花共人語。日照新妝水底明。
風飄香袖空中舉。岸上誰家遊冶郎。三三五五映垂楊。

紫駟嘶入落花去。見此踟躕上音馳下音不進也空斷腸。

白紵辭

吳刀剪綵縫舞衣。明粧麗服奪春輝。揚眉轉袖若雪飛。
傾城獨立世所稀。激楚結風醉忘歸。高堂月落燭已微。
玉釵挂纓君莫違。

鳳笙篇

仙人十五愛吹笙。學得崑丘立彩鳳。鳴始聞鍊氣食金液。
復道朝天赴玉京。玉京迢迢幾千里。鳳笙去去無窮已。
欲歎離聲發絳唇。更嗟別調流纖指。此時惜別詎堪聞。
此地相看未忍分。重吟真曲和清吹。却奏仙歌響綠雲。

綠雲出氣向函關訪道應尋緹婦氏山莫學吹笙王子
晉一過浮丘斷不還

禱衣篇

閨裏佳人年十餘音疑蛾對影恨離居忽逢江上春
歸鶯尚得雲中尺素書玉手開緘長歎息在夫猶戍交
河北萬里交河水北流願為雙鳥泛中洲君邊雲擁青
絲吹妾慶苔生紅粉樓樓上春風日將歇誰能攬鏡看
愁髮曉吹絃管陌落花夜擣戎衣向明月明月高高刻
漏長真珠簾箔掩蘭堂橫垂寶幄同心結半拂瓊筵蘇
合香瓊筵寶幄連技錦燈燭笑照孤窻有使使德符金

剪刀為君留下相思枕摘盡庭蘭不見君紅巾拭淚
坐氤氳上音因下音明年更若征邊塞願作陽臺一段
雲

荊州歌

白帝城邊足風波瞿塘五月誰敢過荊州麥熟吉典
也衣成蛾縹絲憶君頭緒多撥穀飛鳴柰妾何

歌吟

江上吟

木蘭之枻音高揖也沙棠舟玉簫金管坐兩頭美酒樽
一作營中置千斛載妓隨波任去流仙人有待乘黃鶴海

客無心隨白鷗。屈平詞賦懸日月。楚王臺榭空山立。興
酣落筆搖五岳。詩成嘯傲凌滄洲。功名富貴若長在。漢
水亦應西北流。

侍從宜春苑。奉詔賦龍池。柳色初青。聽新鶯百

轉歌

東風已綠瀛洲草。紫殿紅樓覺春好。池南柳色半青青。
縈始營切 烟長娜切 可拂綺城垂絲百尺挂雕楹。上有
好鳥相和鳴。間關早得春風情。春風卷入碧雲去。十明
萬戶皆春聲。是時君王在鎬京。五雲垂輝耀紫清。仗出
金宮隨日轉。天回玉輦繞花行。始向蓬萊看舞鶴。還過

蔭昌亥切 石聽新鶯。新鶯飛繞上林苑。願入簫韶雜
鳳笙。

幽歌行上新平長史兄粲

幽谷稍稍振庭柯。涇水浩浩揚湍波。哀鴻酸嘶暮聲急。
愁雲蒼慘寒氣多。憶昨去家此為客。荷花初紅柳條碧。
中宵出飲三百杯。明朝歸揖二千石。寧知流寓變光輝。
胡霜蕭颯繞客衣。寒灰窸窣憑誰暖。落葉飄揚何處歸。
吾兄行樂窮樵旭。滿堂有美顏如玉。趙女長歌入彩雲。
燕姬醉舞嬌紅燭。狐裘獸炭酌流霞。壯士悲吟寧見嗟。
前榮後枯相翻覆。何惜餘光及秋華。

西岳雲臺歌送丹立子

西岳崢嶸上鋤耕切下胡貌何壯哉黃河如絲天際來黃

河萬里觸山動盤渦水鳥未切轂轉秦地雷榮光休氣紛

五彩千年一清聖人在巨靈咆哮上披交切下虛摩音

也分摩兩山洪波噴流射東海三峯却立如欲摧祖回翠

崖丹谷高掌開白帝金精運元氣石作蓮花雲作臺雲

臺閣道連窈音者深也冥中有不死丹立生明星玉女備

洒掃麻姑搔音駭手也背指爪輕我皇手把天地戶丹立

談天與天語九重出入生光輝東來蓬萊復西歸玉漿

倘遇故人飲騎二茅龍上天飛

金陵歌送別范宣

石頭嶢鋤咸切巖如虎踞音據也凌波欲過滄江去鍾山龍

盤走勢來秀色橫分歷陽樹四十餘帝三百秋功名事

跡隨東流白馬小兒誰家子秦清之歲來閔囚金陵昔

時何壯哉席卷英豪天下來冠蓋散為烟霧盡金輿玉

座成寒灰扣劍悲吟空咄都結切嗟梁陳白骨亂如麻

天子龍沉景陽井誰歌玉樹後庭花此地傷心不能道

日下離離長春草送尔長江萬里心他年來訪南山皓

勞勞亭歌

金陵勞勞送客堂蔓草離離生道傍古情不盡東流水

此地悲風愁白楊。我乘素舸賈我切大船也同康樂。朗詠清川
飛夜霜。昔聞牛渚吟五章。今來何謝袁家郎。苦竹寒聲
動秋月。獨宿空簾歸夢長。

金陵城西樓月下吟

金陵夜寂涼風發。獨上高樓望吳越。白雲映水搖秋城。
白露垂珠滴秋月。月下沉吟久不歸。古來相接眼中稀。
解道澄江淨如練。令人長憶謝玄暉。

當塗趙炎少府粉圖山水歌

峨眉高出西極天。羅浮直與南溟連。名工繹音亦。繹也。思
揮彩筆。驅山走海置眼前。滿堂空翠如可掃。赤城霞氣

蒼梧烟。洞庭瀟湘意渺緜。三江七澤情洄洑。

上音回。下音點。逆流

而上曰洄。緣流而下曰洑。驚濤洶涌。

謝拱切。湧向何處孤舟一去迷歸。

年征帆不動亦不旋。飄如隨風落天邊。心搖目斷興難

盡。幾時可到三山巔。西峯崢嶸噴流泉。橫石蹙子六切。促也。

水波瀾。潏上鉏山切。音還。水流貌。

東崖含沓蔽輕霧。深林雜樹空

芊緜。此中冥昧失晝夜。隱机窅聽無鳴蟬。長松之下列
羽客。對坐不語南昌仙。南昌仙人趙夫子。妙年歷落青
雲士。訟庭無事羅衆賓。杳然如在丹青裏。五色粉圖安
足珍。真仙可以全吾身。若待功成拂衣去。武陵桃花笑
殺人。

峨眉山月歌送蜀僧晏入中京

我在巴東三峽時。西看明月憶峨眉。月出峨眉照滄海。與人萬里長相隨。黃鶴樓前月華白。此中忽見峨眉客。峨眉月。還送君。風吹西。到長安。陌長安。大道橫九天。峨眉月。照秦川。黃金師子承高座。白玉麈尾談重玄。我似浮雲滯吳越。君逢聖主遊丹闕。一振高名滿帝都。歸時還弄峨眉月。

赤壁歌送別

二龍爭戰決雌雄。赤壁樓船掃地空。烈火張天照雲海。周瑜音俞。三國名將。於此破曹公。君去滄江弄澄碧。鯨鯢上音擊。下音

音倪。大魚也。

唐突留餘跡。一一書來報故人。我欲因之壯心魄。

懷仙歌

一鶴東飛過滄海。放心散漫知何在。仙人浩歌望我来。應攀玉樹長相待。堯舜之事不足驚。自餘翬翬虛焉切。直可輕巨鼇。音敖。海中大鼇。莫戴三山去。我欲蓬萊頂上行。

山鷓鴣詞

苦竹嶺頭秋月輝。苦竹南枝鷓鴣上音蔗。下音沽。鳥名。飛。嫁得燕山胡鴈婿。欲銜我向鴈門歸。山雞翟音迪。雉也。雉來相勸。南禽多被北禽欺。紫塞嚴霜如劔戟。蒼梧欲巢難背違。

我心誓死不能去，哀鳴驚叫淚霑衣。

寄贈

春日獨坐寄鄭明府

鶯麥青青遊子悲，河堤弱柳鬢鬪金枝。
長條一拂春風去，盡日飄揚無定時。
我在河南別離久，那堪坐此對牕牖。
情人道來竟不來，何人共醉新豐酒。

早春寄王漢陽

聞道春還未相識，走傍寒梅訪消息。
昨夜東風入武陽，一作陌頭楊柳黃金色。
碧水浩浩雲茫茫，美人不來空斷腸。
預拂青山一片石，與君連日醉壺觴。

涇溪東亭寄鄭少府諤

我遊東亭不見君，沙上行將白鷺群。
白鷺西閑時散飛去，又如雪點青山雲。
欲往涇溪不辭遠，龍門虜波虎轉眼。
杜鵑花開春已闌，歸向陵陽釣魚晚。

駕去溫泉宮後贈楊山人

少年落魄楚漢間，風塵蕭瑟多苦顏。
自言管葛竟誰許，長吁莫錯還閉關。
一朝君王垂拂拭，剖心輸丹雪胷臆。
忽蒙白日迴景光，直上青雲生羽翼。
幸陪鸞輦出鴻都，身騎飛龍天馬駒。
王公大人惜顏色，金吾紫綬來相趨。
當時結交何紛紛，片言道合唯有君。
待吾盡節報明主。

然後相携卧白雲。

上李邕

大鵬一日同風起，扶搖颺下直上九萬里。假令風歇時下來，猶能簸揚也切却滄溟水。世人見我恒殊調，聞余大言皆冷笑。宣父猶能畏後生，丈夫未可輕年少。

述德兼陳情上哥舒大夫

天為國家孕英才，森森矛戟擁靈臺。浩海深謀噴江海，縱橫逸氣走風雷。丈夫立身有如此，一呼三軍皆披靡。衛青謾作大將軍，白起真成一豎音樹童僕之未冠者子。

走筆贈獨孤駙馬

都尉朝天躍馬歸，香風吹入花亂飛。銀鞍紫鞵照雲日，左顧右盼生光輝。是時僕在金門裏，侍設公車謁天子。長揖蒙垂國士恩，壯心剖出酬知己。一別蹉跎上倉何切下厚何朝市間，青雲之交不可攀。倘其公子重回顧，何必侯嬴音盈長袍關。

醉後贈從甥高鎮

馬上相逢揖馬鞭，客中相見客中憐。欲邀擊筑悲歌飲，正值傾家無酒錢。江東風光不借人，枉殺落花空自春。黃金逐手快意盡，昨日破產今朝貧。丈夫何事空嘯傲，不如燒却頭上巾。君為進士不得進，我被秋霜生旅鬢。

時清不及英豪人，三尺童兒重廉藺。音在廉藺廉也。匣中
盤劍裝鮪音合魚，閑在腰間未用渠。且將換酒與君醉，
醉歸託宿吳專諸。

贈潘侍御論錢少陽

繡衣柱史何昂藏，鐵冠白筆橫秋霜。三軍論事多引納，
堦前虎士羅干將。雖無二十五老者，且有一翁錢少陽。
眉如松雪齊四皓，調笑可以安儲皇。君能禮此最下士，
九州拭目瞻清光。

流夜郎贈辛判官

昔在長安醉花柳，五侯七貴同杯酒。氣岸遙凌豪士前，
風流肯落他人後。夫子紅顏我少年，章臺走馬着金鞭。
文章獻納麒麟殿，歌舞淹留玳瑁筵。與君自謂長如此，
寧知草動風塵起。函谷忽驚胡馬來，秦宮桃李向明開。
我愁遠謫夜郎去，何日金雞放赦回。

江上贈竇長史

漢求季布魯朱家，楚逐伍胥去章華。萬里南遷夜郎國，
三年歸及長風沙。聞道青雲貴公子，錦帆遊戲西江水。
人疑天上坐樓船，水淨霞明兩重綺。音起綺也。相約相期何
太深，棹歌搖艇月中尋。不同珠履三千客，別欲論交一
片心。

贈漢陽輔錄事

鸚鵡洲橫漢陽渡。水引寒煙沒江樹。南浦登樓不見君。君今罷官在何處。漢口雙魚白錦鱗。令傳尺素報情人。其中字數何多少。祇是相思秋復春。

留別

金陵酒肆留別

白門柳花滿店香。吳姬壓酒喚客嘗。金陵子弟來相送。欲行不行各盡觴。請君問取東流水。別意與之誰短長。南陵別兒童入京

白酒初熟山中歸。黃雞啄黍秋正肥。呼童烹雞酌白酒。

兒女嬉笑牽人衣。高歌取醉欲自慰。起舞落日爭光輝。遊說音說萬乘苦不早。着鞭跨馬涉遠道。會稽愚婦輕買臣。余亦辭家西入秦。仰天大笑出門去。我輩豈是蓬蒿人。

別山僧

何處名僧到水西。乘舟弄月宿涇溪。平明別我上山去。手携金策踏雲梯。騰身轉覺三天近。舉足廻看萬嶺低。詭誕却切浪肯居支遁下。風流還與遠公齊。此度別離何日見。相思一夜暝猿啼。

送別

送羽林陶將軍

將軍出使擁樓船，江上旌旗拂紫烟。
萬里橫戈探虎穴，三杯拔劍舞龍泉。
莫道詞人無膽氣，臨行相贈繞朝鞭。

送程劉二侍御兼獨孤判官赴安西幕府

安西幕府多才雄，喧喧惟道三數公。
綉衣貂_{音凋}貂_{音凋}屬_屬裘，明積雪，飛書走檄_{刑狄切}如飄風。
朝辭明主出_音宮，銀鞍送別金城空。
天外飛霜下葱海，火旗雲馬生光_音彩。
胡塞塵清幾日歸，漢家草綠遙相待。

送族弟襄歸桂陽

爾家何在瀟湘川，青_音草_音白石長江邊。
昨夢江花照

江月，幾枝正發東牕前。
覺來欲往心悠然，魂隨越鳥飛南天。
秦雲連山海相接，桂水橫烟不可涉。
送君此去令人愁，風帆茫茫隔河洲。
春潭瓊草綠可折，西寄長安明月樓。

送族弟綰從軍安西

漢家兵馬乘北風，鼓行而西破大戎。
爾隨漢將出門去，剪虜若草收奇功。
君王按劍望邊邑，旄頭已落胡天空。
匈奴繫頸數應盡，明年應入蒲桃宮。

送蕭三十一之魯中兼問稚子伯禽

六月南風吹白沙，吳牛喘_{尺說切}疾_{息切}。
月氣成霞水國鬱蒸

不可處時炎道遠無行車夫子如何涉江路雲帆嫋嫋
乃動貌金陵去高堂倚門望伯魚魯中正是趨庭處我
家寄在沙丘傍三年不歸空斷腸君行既識伯禽子應
駕小車騎白羊

與諸公送陳郎將歸衡陽并序

仲尼旅人文王明夷苟非其時聖賢低眉况僕之
不肖者而遷逐枯槁固非其宜朝心不開暮髮盡
白而登高送遠使人增愁陳郎將義風凜然英思
逸發來下曹城之榻音塔去邀才子之詩動清興
於中流泛素波而徑去諸公仰望不及連章祖之

序漸起予棘冠名賢之首作者噫我噫抽知乃為
撫掌之資乎

衡山蒼蒼入紫冥下看南極老人星迴颺吹散五峯雪
往往飛花落洞庭氣清嶽秀有如此郎將一家拖金紫
門前食客亂浮雲世人皆比孟嘗君江上送行無白壁
臨歧惆悵若為分

訓谷

訓字文少府見贈桃竹書筒

桃竹書筒綺繡文良工巧妙稱絕群靈心圓映三江月
彩管疊成五色雲中藏寶訣音決方術嶽眉去千里提

携長憶君。

醉後蒼丁十八以詩譏予槌碎黃鶴樓

黃鶴高樓已槌傳碎切黃鶴仙人無所依黃鶴上天

訴玉帝却放黃鶴江南歸神明太守再雕飾新圖粉壁

還芳菲一州笑我為狂客少年往往來相譏音機君平

簾下誰家子云是遼東丁令威作詩調我驚逸興白雲

遠筆牕前飛待取明朝酒醒罷與君爛熳尋春輝

遊宴

把酒問月

青天有月來幾時我今停杯一問之人攀明月不可得

月行却與人相隨皎如飛鏡臨丹闕綠煙滅盡清輝發

但見宵從海上来寧知曉向雲間没白兔搗音搗藥搗也

秋復春姮音常娥孤棲與誰鄰今人不見古時月今月曾

經照古人古人今人若流水共看明月皆如此唯願當

歌對酒時月光長照金樽裏

行役

夜泊黃山聞殷十四吳吟

昨夜誰為吳會吟風生萬壑振空林龍驚不敢水中卧

猿笑時聞巖下音我宿黃山碧溪月聽之却罷松間琴

朝來果是滄洲逸酤酒提盤飯霜栗半酣更發江海聲

客愁頓向杯中失

詠物

觀元丹丘坐巫山屏風

昔遊三峽見巫山。見盡巫山宛相似。疑是天邊十二峯。
飛入君家綵屏裏。寒松蕭颯如有聲。陽臺微茫如有情。
錦衾瑤席何窈窕。楚王神女何盈盈。盈盈咫尺如千里。
翠屏丹崖紫如綺。蒼蒼遠樹圍棘門。歷歷行舟泛巴水。
水石潺湲萬壑分。烟光草色俱氤氳。溪花笑日何年發。
江客聽猿幾歲聞。使人對此心緬邈。疑入嵩丘夢綵雲。

雜詠

暖酒

熱暖將來宿鐵文。暫時不動聚白雲。撥却白雲見青天。
撥頭裏許便乘仙。

閨情

怨情

新人如花雖可寵。故人似玉猶來重。花性飄揚不自持。
玉心皎潔終不移。故人昔新今尚故。還見新人有故時。
請看陳后黃金屋。寂寂珠簾生網絲。

思邊

去年何時君別妾。南園綠草飛蝴蝶。今歲何時妾憶君。

西山白雪暗秦雲。玉關去此三千里。欲寄音書那可聞。

示金陵子 一作金陵子詞

金陵城東誰家子。竊聽琴聲碧牕裏。落花一片天上来。隨人直渡西江水。楚歌吳語嬌不成。似能未能最有情。謝公正要東山妓。携手林泉處處行。

唐翰林李白詩類編卷之八